



Izjava Izvršnog komiteta PERV-a o Bjelorusiji

Suzbijanje demokratije u Bjelorusiji je stiglo do vrhunca. Hiljade građana je uhapšeno, stotine osuđeno na dugogodišnje kazne zatvora, a veliki broj njih je u izbjeglištvu. Organizacije civilnog društva se suočavaju sa nasilnim raspuštanjem, nakon što ih je vlada uvrstila na listu takozvanih „destruktivnih“ organizacija. Nezavisni sindikati BKDP, članice MKS-PERV, su takođe na toj listi. Bjeloruska federacija novinara je raspuštena.

Pokrenut je nezapamćen napad na BKDP i nezavisne sindikalce. Bez obzira na jasnu osudu represije nad slobodom udruživanja i prava na štrajk na Međunarodnoj konferenciji rada, vlada je ciljano pogrešno ocijenila MOR, te je bombarduje sa peticijama i molbama u vezi ekonomskih sankcija koje provode neke vlade protiv Bjelorusije, ali odbacuje presude i preporuka MOR-a, one koje je donio Odbor za istrage 2004 godine, te zaključke koje su donijeli CAS¹ i CFA². Takođe ne saraduje sa UN HRC³.

Bez obzira na jasan poziv ILC da se suzdrži od „hapšenja, pritvaranja ili primjene nasilja, uznemiravanja ili zastrašivanja, uključujući pravosudnog hapšenja, sindikalnih lidera i pripadnika koji provode zakonite sindikalne aktivnosti“, vlada je pokrenula novi napad na nezavisne sindikalne lidere. Lideri BKDP članica BNP-a, Maxim Poznyakov i SPB-a, Nikolay Sharakh, te desetine aktivista su uhapšeni, pritvoreni, krivično gonjeni, dok je stotine njih otpušteno, a izvršeni su i pretresi sindikalnih prostora. Državni službenici, zvanični mediji i društveni mediji značajno zloupotrebljavaju klevetu i porugu⁴. Usvojene se izmjene nacionalnih zakona kako bi se legalizirale represivne mjere, koje su poslodavci i državni službenici već uveli protiv radnika koji koriste svoje pravo na industrijske akcije.

Svi sindikati PERV-a su ujedinjeni u osudi suzbijanja slobode udruživanja u Bjelorusiji. Stojimo u solidarnosti sa BKDP i nezavisnim sindikatima i zahtijevamo od vlade da:

- Zaustavi represivnu kampanju i akcije protiv sindikalaca, te da oslobodi sve aktiviste, osuđene ili uhapšene zbog ostvarivanja njihovih temeljnih prava;

¹ https://www.ilo.org/wcmsp5/groups/public/---ed_norm/---relconf/documents/meetingdocument/wcms_814514.pdf

² https://www.ilo.org/wcmsp5/groups/public/---ed_norm/---relconf/documents/meetingdocument/wcms_776025.pdf

³ <https://undocs.org/A/HRC/47/49>

⁴ <https://www.ituc-csi.org/belarus-repression-intensifies>
<https://www.ituc-csi.org/ituc-condemns-wave-of-attacks-belarus>

- U potpunosti provede sve preporuke MOR Komisije za istrage i Komiteta za primjenu standarda i uključi se u dijalog sa BDKP i nezavisnim sindikatima;
- Ukine obaveznu registraciju sindikata kod lokalnih vlasti kojim se odvrćaju radnici od ideje stvaranja sindikata po svom izboru i konačno ih prepuštaju volji uprave ili vlasti, čime bi se omogućilo da se sindikati mogu osnovati bez odlaganja bez da se kažnjavaju osnivači;
- Odustane od sistema ugovora na određeno vrijeme kojim se promovira prisilni rad, gradi klima straha i suzbija dostojanstvo radnika i dostojanstven rad, negira sloboda udruživanja, izražavanja i okupljanja;
- Poštuje prava radnika na povlačenje sa rada kada se krše njihova prava – uključujući prava vezana za zdravlje i sigurne uslove rada ili demokratske slobode.

Pozivamo sve vlade da izvrše dalji pritisak na režim u cilju poštivanja međunarodnih standarda rada, naročito prava na slobodu udruživanja i prava na štrajk, te da poduzmu praktične korake u okviru institucija MOR-a i UN-a.

Po pozivamo kompanije koje posluju u Bjelorusiji da hitno pokažu svoju odgovornost prema ljudskim pravima, radničkim pravima i demokratskim pravima, te da se konstruktivno uključe zajedno sa sindikatima na poboljšanje standarda života radnih ljudi i građana Bjelorusije.

U solidarnosti sa radnicima i nezavisnim sindikatima Bjelorusije!